



Die Schrift

Degering, Hermann

Berlin, 1929

129 Deutschland ohne Druckort und Datum. Der Entkrist. Um 1470.
Xylographischer Druck. (Nach F. Lippmann u. R. Dohme: Druckschriften
des 15. bis 18. Jahrh., Taf. 11.)

[urn:nbn:de:hbz:466:1-68942](https://nbn-resolving.org/urn:nbn:de:hbz:466:1-68942)

Wie vnd in welcher weis vnd form die fünfzeihen zeichen
 kimen vor dem jungsten tag wil ich hienach sagen. Durch
 grosser grundloser parmherzigkait vnd vberflüssiger liebim willē
 die der allmerhtig got zu allen menschen hat. So hat er geordi-
 niert vnd gemacht. Das die nachgeschriben fünfzeihen zeichen ge-
 schehen sullen vor dem jungsten tag nach dem vnd das auch die ler-
 er beschreiben. Also das alle element vnd geschepfte von pitterlich
 er angst vnd forcht wegen des künftigen jungsten gerichtes. Vnd
 des gestrengen richters zukunfft allen menschen die zu der zeit im
 leben sein zu einer warnung. Das sy auch piltich vordyt haben
 sullen vnd ie sünd vnd missetat püssen. Auch reu vnd laud dar
 über empfangen. Vnd das sy ire gute werck mit sparen bis für das
 selb gestreng gericht. Do all sünd offenbar werden vnd nach der
 gerechtigkeit gericht werden. Wam doch laider zufürchten ist
 Das der merer teil der menschen mer wol vnd redt ain von forcht
 wegen der pen oder des erschrockenlichen gerichtes oder der mēsch-
 en. Wam lautter durch gottes willen oder im zulob vnd zu eren
 Vnd hat sand Jeronimus die selben fünfzeihen zeichen genomen
 von kriechischen püchern vnd die daraus zu lathem bracht. Als
 man geschreibens findet bey dem anfang des püchs. Das man
 nennet *Legenda sancti fratri Jacobi Ordinis predicatorum*
 alio nomine *hystoria lambardia*. Auch schreibt sanctus Lucas
 in dem Euangelio. Erunt signa in sole ꝛc. Dasselb ewangelio
 list man an dem andern Sumntag in dem Aduent von etlichen
 den selben zeichen. Doch so sind die pücher mit vberain. Ob die
 selben zeichen vor dem Endkrist oder nach im kimen vnd geschehe
 sullen. Darzu so beschreibt auch sand Jeronimus nit ob die zeich-
 en nacheinander on alles mittel der zeit kimen oder langsam
 nacheinander sich vollenden sullen. Das alles sullen vnd müß-
 en wir dem allmechtigen got enpfelhen.